

№ 62. 1681 г., июля 10. Грамота патриарха Московского Иоакима патриарху Иерусалимскому Досифею II Нотаре

Л. 18

¹ Блаженнейший и святейший патриарх святого града Иерусалима и всея Палестины господине кир Досифей, о Святом Дусе желателный брате и сослужебниче наша мерности¹.

³ Иоаким², Божию милостию патриарх Московский и всея России, блаженству твоему мира, здравия, спасения и радования о Господе выну желает³.

Благодарение⁴, дающе всех сущих, видимых и невидимых, Великопремудрому Творителю и Содержителю, горстию во триех Ипостасех Единому Богу, иже, яко презелне благ, на всех призирает и вся на ползу строя управляет, присно твоему блаженству, яко божественных таин строителю, к различной благодати Божией всякаго благоприятства душевнаго и телеснаго, ко бодрому пасению врученнаго ти стада христоименитаго исполнения, во утверждение и пользу желание имама, да дарует тебе Он, Единодержавный Царь жизни сея, время благокрасотно, вода и ко оному граду прекрасному Иерусалиму, присно светящемуся, врученных ти, мудрыми суждени твоими руководствуя, по Его Божественной воли на небесном поли, идеже лица святых имут обиталище, место покойственное, вовеки не имеющия конца, получитьи.

В предваршем убо времени с посланником царскаго величества, с Василием Даудовым, // **Л. 18 об.** благоволил еси к нам братолюбное твое и полезное писание и некое дарование прислати: еже мы с любовию велию прияхом, прочетше же писанное, обретохом в нем глагол твой возвестителный, яко несть⁵ от нас к твоему блаженству писания начасте, и о сем да не имаши на ны никоего мнения, ибо мы вам писати готови есмы с любовию, но сумнителны быхом ради владеющих вашими странами, да не вину кую дамы писанми нашими содержащим вас, и сотворим каким-либо случаем вашему жителству повреждение. Тем же и не писахом доселе, ныне же моляще милосердаго и человеколюбиваго Бога, да поспешит [аще его воля святая хоцет]⁶ в дело сие, Его же вси христианстии народи от далних времен имут желание. Благочестивейший бо и самодержавнейший наш великий государь, царь и великий князь Феодор Алексиевичь всеа Великия и Малыя, и Белья России самодержец купно с нами общим советом изволил послати своего государскаго посла околничего Илию Иоанновича Чирикова в Константиныйград к салтанову величеству о мирном согласии и утверждении любве. И ежели сей посол востребует от твоего святительства какого

¹⁻¹ Текст, кроме первой буквы («буки»), написан красными чернилами; вместо точки в рукописи стоит двоеточие.

² Слово написано крупными буквами.

³⁻³ Текст, кроме первой буквы [«и» (десятеричное)] написан красными чернилами.

⁴ Первая буква в слове («буки») написана красными чернилами.

⁵ Слово вписано между строк.

⁶ Фраза заключена в квадратные скобки в рукописи.

вспоможения, о чем он от царскаго величества послан, слова потребнаго или добраго совета, благоволи⁷ // Л. 19 ради любве Христовы, яко ведущий тамошня обычай, ему помощь в том творити.


С ним же, послом, послахом блаженству твоему два сорока соболей за печатью нашею. Их же благоволит святителство твое любезно воспряти. При котором послании просим твое блаженство: благоволи во святых твоих молитвах пред святым и живоприемном Гробе Христове и во священных божественных литургиях нас и благочестивейшаго царя нашего Феодора Алексиевича незабвенно поминати.

За сим, о твоём и о всех тамошних христиан пребывании, нет ли им какого утеснения от налог еретических, изволь со оным же к нам писати, ибо мы всем христианом мирнаго жития и покоя есмы желатели. Бог же мира всех нас от злых да сохранит.

Писася в царствующем граде Москве в лето 7189-е июля 10-го дня.

Отдел рукописей Российской национальной библиотеки. Ф. 588. № 1115. Л. 18–19. Копия из рукописного сборника «Икона, или Изображение великие соборные Церкви...»

Упоминается: Архив Юго-Западной России. Киев, 1872. Ч. 1. Т. 5. С. 441. № 153.



⁷ Под строкой красными чернилами вписано слово «ради», с которого начинается следующий лист.